

通州志

列女 潮邑併入

明

韓氏定邊衛千戶韓景女錦衣衛舍人湯全妻韓年十八全贅於韓半載全從軍陣亡韓誓不再適家止有弟韓璵方七歲撫之成立守節三十餘年天順六年建坊旌表

李氏潮庠生董恕妻年二十二恕沒子生甫周歲李哀毀幾絕不敢身殉苦志守節撫子成人宏治間建坊旌表葉氏魏豫妻夫亡苦志守節詔旌表正德六年爲流寇所

掠不屈死事聞於朝勅建祠祀之

舊志失載攷讖輔通志採入

吳氏名淑廉庠生孫祿妻祿早嬰疾吳于歸後侍奉湯藥
調護起居者八年尋病篤吳慟曰夫有嗣吾爲夫後活
也今且死無嗣吾何以生爲悉散篋中衣飾於娣姒親
舊卽絕食親黨有泣勸者終不聽且曰與其後夫死不
若先夫死迨其見吾目瞑矣一日沐浴更衣甫畢而絕
旬餘夫亦卒正德十一年建坊旌表

葉氏浙江蘭谿人州人神武衛舍人許紳

明史作紳

妻紳故饒

家業好任俠揮霍無節葉嘗諫曰物力可惜作法貴儉
以君所爲恐暴殄爲天所忌一旦蓋藏告訕將奈何紳
不聽果罄所有衣食且不繼攜葉出投所親路死於舊

城西門外葉守尸晝夜悲號州人哀之或餽飲食或遺金帛或歆其改嫁以葬夫俱不顧絕水漿十有四日死尸旁年纔二十餘州人爭買棺鬻地合葬適巡撫御史錢學孔按通親見之疏聞下禮部議尙書夏言重其烈議請旌表嘉靖十五年建坊立祠有司春秋致祭侍郎李廷相銘其祠碑碑文載藝文志

已載明史

張氏州人定邊衛指揮吳越妻年十八夫沒矢志守節至六十一歲嘉靖間建坊旌表

謝氏直隸順義人溍人都指揮聶敏妾敏卒謝所出二子應元啟元俱幼謝矢志撫孤不以諉諸嫡長值歲荒族

黨覬其家貲嗾令改適謝厲聲曰吾有二子可使成立
卽天不遂吾意吾身死得附於都司君墓亦何憾族人
慚懼而退治家以禮法門庭肅然卒年八十四子啟元
以明經官長葛令會修澋志萬歷間知縣趙廷儼旌其
門曰貞節

劉氏澋人日照訓導張永達繼妻年二十二夫亡家極寒
素無以自給劉茹荼飲檠苦節撫孤教三子皆成立卒
年八十九萬歷二十一年孫庠生德厚以苦節呈於當
事知縣魏之幹給額旌之

張氏州人龍某妻錦衣衛校尉龍鍾母夫亡守節子鍾早

卒偕子婦盛熒熒共守以終其身

舊志無
今補

盛氏州人錦衣衛校尉龍鍾妻年二十八夫亡痛絕欲殉
時孀姑張守節多年二子躍蹈俱幼母勸之曰汝死誰
爲事姑育子者乃強起操家家貧甚黽勉奉姑菽水必
盡其孝敬子以義方俱有卓行苦節六十餘年卒年九
十萬歷間知州吳來庭高位先後給額旌之曰雙節流
芳曰九旬完節崇禎十三年督學吳道昌奏旌其門次
子蹈詳孝義中孫婦彭孫妾張並以節著詳後傳

單門三節蘇氏敬之女嘉靖癸未進士單鉞妻姜氏鉞之
妾單氏鉞次女也鉞登第後旋卒時蘇年二十六有女

二無子慟欲自裁因姑老妾姜方有娠忍死待之以遺
產付夫弟鑾經理字長女於都察院楚人賈柴子某字
次女於刑部郎宣城張乾子正甫守節五十餘年卒年
八十姜氏於鉞卒後六日生一子八歲夭蘇憐姜年少
喻以他適意姜泣曰是何言也節義何常惟人所蹈吾
奉嫡終身得同歸單氏塋幸矣豈謂婢妾遂無至性哉
妾志已決請無他慮蘇敬禮之若妣卒年七十餘單氏
歸張正甫於京邸未三年正甫沒旋櫬南旋單依母蘇
以居一日告母曰兒張家婦終當歸張且壻墓已宿草
而兒未一展拜心旦夕怛怛然何能久侍母也辭歸宣

城未幾卒州人尙書楊行中作單門三節傳紀之

張氏浙江山陰儒士柳廷元妻徙於通爲州人嘉靖間廷元病篤慮弟廷政凌之囑張曰兒女幼爾又年少不如改適以存孤張聞願自盡明志廷元曰吾恐爾母子難以自存耳果能撫之吾目瞑矣廷元沒張年二十七廷政盡奪其家貲逼改嫁張乃攜子女別居紡織自給子女既長爲營婚嫁苦節五十餘年卒年八十二曾孫國棟官句容縣丞元孫星耀沂州州同

王氏鄒庠生馬龍圖妻年二十五夫亡子泰方七歲王矢志守節孝庶姑育遺孤辛苦備嘗終身一日教泰績學

勵行爲名諸生知縣魏之幹給額旌獎萬歷三十五年
卒年七十三知縣艾友芝申請巡撫以貞節旌其門又
爲文祭之文載藝文志

汪門雙節徐氏謝氏皆萬歷丙戌進士副使岑應春妾也
應春初娶於陳無出又娶於王生子廣序陳王俱先卒
應春沒時徐與謝皆年少廣序亦在弱齡徐謝矢志撫
孤視如己出守節三十餘年教養成立崇禎癸酉廣序
舉孝廉歷官監司苑馬寺卿徐謝乃出家譜示廣序曰
汝父本姓汪臨終猶以未復姓爲恨今汝貴當成父志
廣序呈於提學御史左光斗上聞下禮部議尙書林堯

俞議云徐氏謝氏分忝綠衣志堅白首痛夫早逝勵苦節於卅年督子歸宗復本源於一旦閨閣既罕媵妾尤稀詔准復姓旌其居曰一門雙節

舊志傳內作光緒今易廣序

林氏虞生劉杞芳妻年二十夫沒只一女林誓欲絕粒死恐傷兩世舅姑心猶於家人進食時匿少許作食狀越五日憊甚姑察其故抱女勸解之林泣曰婦將從夫且不獲終事堂上奚惜此呱呱爲守夫柩旁絕食二十一日死巡按御史聞於朝建坊旌表州人御史馬經綸撰墓碑碑文載藝文志

賈氏庠生郭登科妻登科早卒賈欲死殉因遺腹未娩冀

舉子以延夫後及產女遂自縊柩側詔建坊旌表題曰
千古流芳

華氏庠生陸大經妻萬歷三十八年夫沒無子華慟曰何
以生爲絕粒九日死詔建坊旌表

馬氏州人戶部尙書李三才妾三才卒氏絕食十二日死
於喪次時天啟四年二月四月有諸生呂完聲妻陳氏
陳氏庠生呂完聲妻完聲疾亟集族人計後事族人畢至
以陳在側不卽言陳心知其爲己也出戶外完聲告族
人曰我旦夕且死婦少無子我不忍其勞獨語未竟陳
遽入問適語云何夫不應陳曰我耳之矣請自今君一

飯妾亦一飯君不食妾亦不食與君俱耳未幾夫卒陳不食十四日死於夫之柩側太常彭端吾聞而歎曰不三月間而有兩烈婦古云燕趙多慷慨奇節知不獨丈夫然也以其事聞於巡按御史彭鵬化奏旌其門

王門雙節胡氏王化浹妻徐氏化浹子謙德妻也胡年十六歸於王二十三生子謙德甫三月而化浹沒胡哀號絕粒舉家勸之曰此呱呱兒何以自活願少忍撫之孤存卽夫存也乃勉進飲食撫孤自任謙德稍長教以力學二十補諸生爲娶婦徐氏未幾謙德又天遺孤在襁褓中胡偕婦徐養孤孫以繼夫祀兩世孀居同心茶棧

胡苦節六十五年卒年八十七徐亦苦節終其身崇禎
閒督學吳道昌奏旌其門

張氏庠生王大治妻年二十七夫卒子立極甫生張自
矢於夫之靈曰願佑此三尺孤以延王氏嗣且願未亡
人他日得歸骨王氏先隴吾志畢矣守節教子四十二
年卒年六十八崇禎閒兵備道王鼇永額旌曰節慈裕
後知州楊聯芳額旌曰白首孤燈

劉氏王賁德妻年十七于歸十九夫亡誓以死殉時有遺
娠兩月家人解之曰儻天不絕王氏幸而生男則祖宗
一脈於是乎在殉夫死不若延夫祀也強舉餽粥後果

生男凱撫之成立補諸生劉乃慨然歎曰今而後可見夫於地下矣以哀悴卒

王氏吳濟妻守志事蹟舊志失考仍存之以免湮沒

王氏庠生馬夢龍妻年二十九夫亡子應圖甫六歲王苦

節撫育比長延師課其業補諸生以善醫官太醫院吏

目遷上林苑監丞崇禎七年王贈孺人

舊志無今補

彭氏龍時化妻年二十二夫亡矢志守節教子命保成立

補諸生苦節四十一年卒年六十二

張氏無錫教諭龍起化妾起化任無錫以身率士卓有賢

聲學宮子弟勒碑頌之曰清直謙厚崇禎十六年遷國

子監學正時州境大疫起化及妻袁子庠生命相命佐
輩內外三十餘人俱死僅存張與兩幼子命延命錫張
年甫二十四矢志守節撫孤二子雖非己出教養備至
命延補諸生早卒命錫廩貢生命錫子灃亦補諸生龍
氏一綫張實存之卒年六十戶部郎中宋之儒額旌曰
閩內伊周知州于成龍額旌曰柏舟雅操

楊門三節馬氏蔡氏雷氏皆吏部尙書楊行中孫婦泗水
令鎬子婦也馬氏御史經綸第三女讀書通大義歸鎬
第三子庠生世昌馬年二十三世昌卒撫子辰生十五
歲天乃誦佛書茹素終身嘗曰吾每觀儒書不入觀佛

書則入以所歷皆苦境故也知州楊聯芳旌曰柏舟賢
節 國朝順治十二年卒年七十五守節五十三年蔡
氏州人刑部郎成己長女歸鎬第四子庠生世喬夫卒
將以死殉家人慰解不從鎬五子世顯曰嫂賢如此聽
其死則不忍無子勸之守促之死耳會鎬六子世法妻
許氏沒遺子嶽生在襁褓世顯乃語弟世法舉以畀蔡
曰今有子嫂可勿死矣蔡遂撫之如己出嶽生既長改
名宏補諸生崇禎十年蔡卒年五十守節二十八年宏
將爲主喪鎬次子世揚不許曰宏爲世法長子禮不得
爲他人嗣弟世喬非宗子又不當立嗣竟奪氏所遺產

以自殖後宏改名舟 國朝康熙乙酉登賢書雷氏州
人五臺令應科季女歸鎬第五子庠生世顯世顯天性
孝友多才能善論事理伸兄世揚與語每心憚其公正
早卒雷年二十九撫子宗教之成立治家嚴謹操持有
丈夫槩門內外肅寂無語諄聲 國朝康熙六年卒年
七十一守節四十三年子宗補諸生後改名案最循謹
蓋遵母教云

翁氏徐九德妻居張家灣崇禎己巳張灣城陷九德被難
翁匿神龕中自縊死

趙氏庠生丁大志妻居張家灣崇禎己巳張灣城陷所生